

**Važna napomena:** *Prevod ovog propisa, odnosno akta sa srpskog jezika na makedonski jezik, omogućila je Misija Organizacije za evropsku bezbednost i saradnju u Republici Srbiji (dalje: Misija OEBS u Srbiji) sa ciljem da se pripadnicima i pripadnicama nacionalne manjine, čiji je jezik u službenoj upotrebi u Republici Srbiji, omogući da se na svom jeziku i pismu obaveste i upoznaju sa sadržinom teksta propisa, odnosno akta koji je predmet ovog prevoda.*

*Misija OEBS u Srbiji posebno napominje da je isključivo i jedino pravno-relevantan i merodavan tekst propisa, odnosno akta (koji je predmet prevoda u ovom dokumentu) koji je objavljen na srpskom jeziku, u skladu sa i shodno propisu koji uređuje objavljivanje zakona i drugih propisa i akata u Republici Srbiji.*

*Za potrebe prevoda ovog propisa Misija OEBS u Srbiji angažovala je kompaniju Eurotranslate d.o.o. koja je u celosti, i u svemu prema pravilima struke, odgovorna i garantuje za jasnoću, preciznost, istinitost i tačnost izvršenog prevoda na makedonski jezik. Misija OEBS u Srbiji ni po jednom osnovu nije odgovorna i ne garantuje za jasnoću, preciznost, istinitost i tačnost izvršenog prevoda.*

**Важне надпомнуце:** *Прекладане тогo предписаня, односно актох сербскогo језика на руски језик, оможљивела Мисија Организацији за европску безбедност и сoтруднићство у Републици Сербiji (надалеј: Мисија ОЕБС у Сербiji) зoз циљoм же би ше припадникoм и припадницoм националнеј менишини, чий језик ше службoвo хаснуе у Републици Сербiji, же би ше на својм језику и писму обвисцели и упознали зoз сoставoм текста предписаня, односно актoм кoтри предмет тогo прекладу.*

*Мисија ОЕБС у Сербiji oкреме надпомина же викључно и едино правнo-релевантни и мерoдавни текст предписаня, односно актох (кoтри предмет прекладаня у тим документу) кoтри објавени на себским језику, у складзе зoз и одвитујуци предписаню кoтри ушoрјуе објављoване законoх и других предписаньoх и актох у Републици Сербiji.*

*За потреби прекладаня тогo предписаня Мисија ОЕБС у Сербiji ангажoвала компанију Еурoтранслате д.о.о. кoтра у цалoсци, и у шицким спрам правилoх фаху, одвичательна и гарантуе за јасносц, прецизносц, правдивосц и тoчносц oкoнченогo прекладу рускогo језика. Мисија ОЕБС у Сербiji ани по едним oснове не одвичательна и не гарантуе за јасносц, преизносц, правдивосц и тoчносц oкoнченогo прекладу.*

На основи члена 62. став 1. точка 15) Закона о националних саветох националних меншинох („Службени глашник РС”, число 72/09, 20/14 – одлука УС и 55/14),

Републична виборна комисија, на схадки отриманеј 26. августа 2014. року, принесла

## **УПУТСТВО**

### **За спроводзене непоштрених виберанкох за членох националних совитох националних меншинох**

"Службени глашник РС", число 89 од 26. августа 2014.

#### **I. УВОДНА ОДРЕДНИЦА**

##### **Член 1.**

Зоз тим упутством бліжей ше ушорује поступок спроводзена непоштрених виберанкох за членох националних совитох националних меншинох (у дальшим тексту: виберанки)

#### **II. ОРГАНИ И ЦЕЛА ЗА СПРОВОДЗЕНЕ ВИБЕРАНКОХ**

##### **Член 2.**

1) Органи за спроводзене виберанкох то Републична комисија и виберанкови одбори.

#### **Републична виборна комисија**

##### **Член 3.**

(1) Републична виборна комисија (у дальшим тексту: Комисија) окончује роботи котри одредзени зоз Законом о националних совитох националних меншинох и зоз тим упутством.

(2) Комисија може овласциц свойого члена або заменіка члена (у дальшим тексту: Координатор) же би у управним округу и городу Београдзе окончује у мено Комисії поєдини роботи котри вязани за организацию и пририхтоване виберанкох.

#### **Роботни цела комисії**

##### **Член 4.**

(1) За даване технічней помощи у организовању виберанкох, комисија формује роботни цела Комисії (у дальшим тексту: роботни цела).

(2) Роботне цело ше формује за подруче єдней або вецей єдинкох локалней самоуправи, як и за подруче єдней або вецей городских општинах города Београду.

(3) Роботни цела не органи за спроводзене виберанкох, але виключно окончую роботи котри предвидзени зоз тим упутством.

(4) Роботни цела ше старю о ушореню виберанкових местох, организуо обучоване председателя и заменіка председателя виберанкових одборох за спроводзене гласанкох, примаю виборни материял од Координатора, придаваю виборни материял гласацким одбором скорей гласаня, пребераю виборни материял од виберанкових одборох после гласаня и придаваю го Координатору.

### **Состав роботного цела**

#### **Член 5.**

(1) Роботне цело будую вецей члени меновани на предкладане начальніка општинскей/городскей управы, односно начальніка општинскей/городскей управы задлуженей за виберанково роботи и начальніка управы городскей управы города Београду (у дальшим тексту: начальнік управы) зоз шора особох зоз високим образованьом занятых у општинскей/городскей управы. З нагоди предкладаня кандидатох за членох роботних целох предноц треба дац особом уписаним у окремних виберанкових списках националних меншинох котри маю закончени правни факултет и искуствіе у спроводзеню виберанкох.

(2) Кед ше роботне цло формуе за подруче єдней єдинки локалней самоуправи котра ма до 10 виберанково места, роботне цело ма три члени.

(3) Кед ше роботне цело формуе на подручю єдней єдинки локалней самоуправи котра ма од 10 до 20 виберанково места, роботне цело ма пейц члени.

(4) Кед ше роботне цело формуе за подруче єдней єдинки локалней самоуправи котра ма преїг 20 виберанково места, роботне цело ма седем члени.

(5) Кед ше роботне цело формуе за подруче вецей єдинкой локалней самоуправи, односно вецей городски општини города Београду, роботне цело ма тельо членох кельо и єдинки локалней самоуправи, односно городски општини облапя, котри ше меную на предкладане начальніка управы каждой од облапених єдинкох локалней самоуправи.

(6) До составу роботного цела уходзи и начальнік управы.

(7) Кед ше роботне цело образуе за вецей єдинки локалней самоуправи, односно вецей городски општини города Београду, до составу роботного цела уходза начальніки управох тих єдинкох локалних самоуправох, односно городских општинах.

(8) Кед начальнік управы не у можлівосци окончовац длужносц члена роботного цела, до роботного цела уходзи його заменік. Кед анї заменік начальніка управы не у можлівосци окончовац длужносц члена роботного цела, начальнік управы до составу роботного цела предложи особу заняту у општинскей/городскей управы одвитууюцу за окончоване длужносци члена роботного цела.

(9) Начальнік управы обезпечуе условия за роботу роботного цела и координира його роботу.

(10) Робота роботного цела формованого за подруче вецей єдинкох локалней самоуправи координира начальнік управы єдинки локалней самоуправи у котрей пе находзи шедзиско управного округу.

(11) Робота роботного ціла формованого за подручє вещей городских општинох города Београду координира начальнік управи городской општини зоз найвекшим числом гласачох уписаних до окремих виберанкових списках.

#### Член 6.

Комисия зоз окрему одлуку утвердзує число, состав и подручє работи роботних целох, найпознейше 30 дні скорей отримованя виберанкох.

#### Член 7.

(1) Предклади за менованє членох роботни целох, начальніки управи подноша Комисії у року од пейц дньох од дня приношеня одлуки зоз члена 6. того упутства.

(2) Предклад за менованє треба да ма: мено и презвиско, занїманє, место перебуваня и адресу квартеля, число мобилного телефона за контакт и адресу за прием електронской пошти.

(3) Координатор же би предложел вименку предкладу начальніка управи за менованє члена роботного ціла, при чим є длужни же би таке предкладанє розтолковал.

(4) Кед начальнік управи благочасово не предложи даедного члена роботного ціла, Комисия за члена роботного ціла менує особу котра одвитуюца за окончованє тей длужносци.

(5) Комисия оформи роботни ціла найпознейше 20 дні скорей отримованя виберанкох.

### **Состав виберанкового одбору**

#### Член 8.

(1) Виберанкови одбор составени зоз председателя, штирох членох и їх заменїкох, менованих на предкладанє начальніка управи.

(2) За председателя виберанкового одбору и заменїка председателя виберанкового одбору меную ше ліца заняти у явним сектору (державни органи, органи территорияльной автономії и локальной самоуправи, установи, явни підприємства).

(3) У чаше предкладаня председателя, заменїка председателя, членох и заменїкох членох виберанкових одборох, предносц треба дац особом уписаним до окремих виберанкових списках националних меншинох.

(4) У чаше предкладаня председателя виберанкового одбору, предносц треба дац особи котра ма високе образованє и искуствие у спроводзеню виберанкох.

#### Член 9.

(1) Председательох, заменїкох председательох, членох и заменїкох виберанкових одборох менує Комисия.

(2) Ришенє о формованю виберанкових одборох и менованє председательох и членох виберанкових одборох и їх заменїкох Комисия приноси найпознейше дзешец дні скорей отримованя виберанкох.

(3) Роботне цело длузне же би, найпознейше два дні скорей отримованя виберанкох, за председателюх и заменікох председателюх виберанкових одборах організовало обучоване за спроводженє гласанкох на виберанковим месту и применку правилох о роботі виберанкових одборах. Кед же ше на истим месце источашне отримую виберанки за членох вецей націоналних совитох, роботне цело на обучованю пошвени окремну повагу такей обставини. Роботне цело длузне же би о оконченим обучованю поднесло писани звит Комисії, котри треба же би мал податки о часу и месце отримованя обучованя, мена присутних председателюх и заменікох председателюх виберанкових одборах, кратки приказ цека обучованя и питаня котри окреме розпатрани або евентуално одценени як спорни.

#### Член 10.

(1) Предклад за менованє председателя, заменіка председателя, членох и заменікох членох виберанкових одборах начальніки управи випоручую Комисії найпознейше 15 дні скорей отримованя виберанкох.

(2) У предкладзе за менованє наводза ше шлїдуюци податки о предложених особох: мено и презвико, мено єдного родителя, єдинствене матичне число граждана (у дальшим тексту: ЄМЧГ), место перебуваня и адреса квартеля и число телефона.

(3) Координатор овласцени же би предложел пременку предкладу начальніка управи за менованє членох виберанкового одбору, при чим є длужни таки предклад розтолковац.

(4) Кед начальнік управи благочасово не предложі даєдну особу до виберанкового одбору, Комисия до виберанкового одбору менує особу одвитууюцу за окончованє длужносци и виберанковим одборе.

### Законки огранїченя

#### Член 11.

(1) Єдна особа може буц член лем єдного виберанкового одбору.

(2) У чаше предкладаня менованя и замени членох виберанкового одбору, начальнік управи длужни мерковац на законски огранїченя у поглядзе членства у виберанковим одборе.

### Замена членох у виберанковим одборах

#### Член 12.

(1) Замену члена виберанкового одбору окончує Комисия на предкладанє начальніка управи, найпознейше пейц дні скорей отримованя виберанкох.

## III. ПОДНОШЕНЄ ВИБОРНЕЙ ЛІСТИНИ

### Хто може поднесц виборну лістину

#### Член 13.

(1) Виборну лістину кандидатом за членом національних совітів (у дальшому тексті: виборна лістина) може поднести група гласачів уписаних до окремого виборанкового списку, здружене чийо ще цілі втворюю у обласці зашити правох національної меншини и регистрована политична партия національної меншини (у дальшому тексті: предкладатель виборней лістини).

(2) Групу гласачів формую найменей трійо гласаче уписани до окремого виборанкового списку національної меншини чийо ще національні совіт вибера.

(3) Група гласачів формує ще зоз писменим спорозуменьом овереним у складзе зоз законом зоз котрим ще ушорює оверйоване потписох. Спорозумене о формованю групи гласачів обовязно муши мац цілі формованя групи гласачів, податки о ліцох котри ю формовали (мено и презвиско, ЄМЧГ и место перебуваня и адресу квартеля, наведзени спрам податкох зоз особней карти) и особа котра одредзена же би заступала групу гласачів.

(4) Спорозумене о формованю групи гласачів твори ще на сербским язичу, писане зоз кирилку, а мож направиц и на язичу и писму національної меншини, так же би кажди член спорозуменя мал перше текст на сербским язичу и кирилковим писму, а попод тот исти текст наведзени на язичу и писму національної меншини.

(5) Виборну лістину у мено групи гражданох подноши особа одредзена же би заступала групу гласачів, або особа котра за то овласцена у спорозуменю о формованю групи гласачів.

(6) Виборну лістин у мено здруженя поднши заступнік здруженя уписани у регистру здруженя, або особа котру воно овласци за то, на формулару котри предписує Комисия.

(7) Виборну лістину у мено политичней странки національної меншини подноши заступнік политичней странки уписани до Регистру политичних странкох, або особа котру вон овласци за то, на формулару котри предписує Комисия.

(8) Особа котра овласцена же би поднесла виборну лістину, овласцена же би у мено предкладателя виборней лістини кончала шицки други роботи у виборанкох, окрем кед предкладатель виборней лістини не одредзи иншак.

### **Час за подношенє виборней лістини**

#### **Член 14.**

Виборні лістини подноша ще Комисії у будинку скупштини у Београдзе, Уліца краля Милана 14, найпознейше 15 дні скорей отримованя виборанкох.

### **Змист виборней лістини**

#### **Член 15.**

(1) Виборна лістина подноши ще на формулару котри предписує Комисия, у писаней и електронскей форми (ЦД або ДВД)

(2) Змист виборней лістини у писаней форми и виборней лістини у електронскей форми муши буц идентични.

(3) Виборна лістина ма:

- 1) назву предкладача виборней лістини,
  - 2) назву виборней лістини, котра може мац и мено и презвиско даєдней особи (ношитель виборней лістини),
  - 3) податки о шицких кандидатох за членох националних совитох ( шорне число на виберанковей лістини, мено и презвиско, ЄМЧГ, заніманє, место перебуваня и адресу квартеля кандидата),
  - 4) мено и презвиско и потпис особи котра подноши виборну лістину.
- (4) На виборней лістини муши ше находзиц найменей єдна трєцина кандидатох од числа членох национального совиту котри ше вибера, а найвєцей тельо кандидатох кельо ше членох национального совиту вибера.
- (5) Кандидат може буц лєм тота особа котра уписана до окремого виберанкового списку националней меншини чий ше национални совет вибера.
- (6) Мено и презвиско кандидата ше наводзи у виборней лістини спрам сербского правопису и кирилкового писма, а можу буц наведзени и спрам правопису и писма националней меншини, при чим рядошлїд одредзує предкладач.
- (7) На виборней лістини медзи каждима трома кандидатами по рядошлїду на виборней лістини (перши три места, други три места и так по край лістини) муши буц найменей по єден кандидат – припаднїк гевтого полу котри меней заступени на виборней лістини.
- (8) Кед виборна лістина не виполнює змистово условия зоз того члена, будзе ше тримац же ма недостатки за єй прєглашенє.

### **Назва предкладача виборней лістини**

#### **Член 16.**

(1) Кед виборну лістину подноши група гласачох, назва предкладача муши на початку назви мац ознаку „Група гласачох”. Кед група гласачох ма назву, длужна є же би у виборней лістини як мено предкладача, после ознаки „Група гласачох”, навєсц свою назву зоз спорозумєня о формованю групи гласачох. Назва групи гласачох не шме у своїм составе мац слова як цо то „партия” або „здруженє” ані у єдним припадку, ані назву регистрованей политичней партії або регистрованого здруженя.

(2) Кед виборну лістину подноши здруженє, длужне є же би у виборней лістини свою назву як предкладателя виборней лістини наведли спрам назви зоз акту о регистрації здруженьох.

(3) Кед виборну лістину подноши политична партия националней меншини, длужна є же би у виборней лістини свою назву як предкладателя виборней лістини наведзе спрам назви зоз акту о регистрації политичней партії.

### **Назва виборней лістини**

#### **Член 17.**

(1) Виборна лістина ма назву котру одредзує предкладатель виборней лістини.

(2) Кед виборну лістину предклада група гласачох, назва виборней лістини ма назву утвердзена зоз спорозуменьом о формованю групи гласачох. До назви виборней лістини мож уключиц и мено и презвиско особи котру група гласачох одредзи як ношителя виборней лістини. Назва виборней лістини групи гласачох не шме у своїм составе мац слова як цо то „здружене” и „партия” ані у єдним припадку, ані назву регистрованого здруженя або регистрованей политичней партії.

(3) Кед виборну лістину предклада здружене, назва виборней лістини може мац назву здруженя, котре ше наводзи спрам назви здруженя зоз акту о його регистрації. До назви виборней лістини мож уключиц и мено и презвиско особи котру здружене одредзи як ношителя виборней лістини.

(4) Кед виборну лістину предклада политична партия националней меншини, назва виборней лістини муши мац у своїм составе муши мац назву политичней партії зоз акту о ей регистрації. До назви виборней лістини мож уключиц и мено и презвиско котру политична странка националней меншини одредзи як ношителя виборней лістини.

(5) Назва виборней лістини котру предклада група гласачох або здружене не може упуцовац на назву церкви або вирскей заедніци.

(6) Назва виборней лістини наводзи ше на сербским язике и кирилковим писму, а може ше навесц и на язике и писму националней меншини.

### **Документация котра ше приклада зоз виборну лістину**

#### **Член 18.**

(1) Зоз виборну лістину приклада ше шлідуюца документация:

1) виява каждого кандидата же прилапное кандидатуру за члена национального совиту, оверена у складзе зоз законом котри ушорює оверйоване потписох, на формулару котри предписує Комисия;

2) согласносц ношителя виборней лістини (кед є одредзени) же би бул ношитель виборней лістини, на формулару котри предписує Комисия;

3) овласценє особи котру предкладатель овласцел же би поднесла виборну лістину, на формулару котри предписує Комисия, кед виборну лістину поднесе здружене або политична партия националней меншини;

4) Вияви гласачох же потримую виборну лістину, оверени у складзе зоз законом зоз котрим ше утвердзує оверйоване потписох и зложени по азбучним шоре презвиска гласачох на формулару котри предписує Комисия;

5) список гласачох котри потримую виборну лістину, пошоровани по азбучним шоре презвискох гласачох, виробени у писаней и електронскей форми (ЦД або ДВД), так же би список у обидвох формах бул идентични, а котри потписує особа котра подноси виборну лістину, на формулару котри предписує Комисия. Список у електронскей форми треба же би бул виробени у Excel програму у таблічки обявеной на интернет боку Комисії [www.rik.parlament.gov.rs](http://www.rik.parlament.gov.rs);



6) оверене спорозумене о формованю групи гласацох, кед виборну лістину предклада група гласацох;

7) оверена копия статута здруженя, кед виборну лістину предклада здружене.

(2) Виборну лістину зоз своїма подписами муши потримац найменей 1%, а не меней як 50 гласацох уписаних до окремого виберанкового списку националней меншини чий ше национални совит вибера.

(3) За утвердзоване найменшого числа подписох гласацох потребних за потримовку виборней лістини, меродавне рішене министерства одвчательного за водзене окремого виберанкового списку о дочасовим заключованю окремого виберанкового списку.

(4) Гласач зоз своїм потписом може потримац виборну лістину лем єдного предкладателя.

(5) Формулари за подношене виборней лістини предписує Комисия зоз окременим актом и обявює их у року од пейц дньох од приношеня одлуки о розписованю виберанкох.

### **Недостатки виборней лістини**

#### **Член 19.**

(1) Кед Комисия утвердзи же виборна лістина не поднешена благочасово, принеше рішене о одруцованю виборней лістини.

(2) Кед Комисия утвердзи же виборна лістина ма недостатки котри онеможлівюю преглашоване виборней лістини, принеше, у чаше од 24 г. од приему виборней лістини, заключене зоз котрим ше предкладательови виборней лістини наклада же би, найпознейше у периодзе од 48 г. од хвильки випоручованя заключения, отклоні недостатки. У заключеню ше предкладательови виборней лістини указує на способ рiшованя недостаткох.

(3) Кед Комисия утвердзи же виборна лістина ма недостатки, односно кед утвердзи же недостатки не отклонени, або су не отклонени у предписаним чаше, принеше у шлідуючих 48 г. рішене о одбиваню преглашеня виборней лістини.

### **Преглашованє виборней лістини**

#### **Член 20.**

(1) Комисия преглашує виборну лістину предкладательох такой по приему виборней лістини и провадзацей документациї, а найпознейше у чаше од 24 г. од хвильки приему виборней лістини.

(2) Рішене о преглашеню виборней лістини зоз става 1. Того члену Комисия випоручує без одкладаня предкладательови.

(3) Предкладатель преглашеней виборней лістини, може поцагнуц виборну лістину найпознейше по дзень утвердзованя збирней виборней лістини.

#### **Член 21.**

(1) У случаю же ше за виберанки за членох одредженого национального совиту не прияви ані єдна виборна лістина, односно кед би ані єдна виборна лістина не була преглашена, Комисия приноси рiшене о застановйованю поступку вибору членох того национального совиту.

(2) Кед рiшене о застановйованю поступку вибору членох национального совиту постане полномоцне, Комисия о нїм обвисцує министерство одвичательне за людски и меншински права.

#### IV. ЗБИРНА ВИБОРНА ЛІСТИНА

##### Член 22.

(1) Комисия не утвєрди збирну виборну лістину кед число кандидатох на преглашених виборних лістинох будзе менше од числа членох национального совиту котри ше вибера.

(2) У случаю зоз става 1. Того члену, Комисия приноси рiшене о застановйованю поступку вибору членох того национального совиту.

(3) Кед рiшене о застановйованю поступку вибору членох национального совиту постане полномоцне, Комисия о нїм обвисцує министарство одвичательне за людски и меншински права.

#### V. ВИБЕРАНКОВО МЕСТА

##### **Одвичательносц за одредзованє виберанкових местох**

##### Член 24.

(1) Комисия одредзує и оглашує у „Службеним глашнїку Републики Сєрбиї” виберанково места на котрих ше будзе гласац на виберанкох, найпознейше 20 днї скорей отримованя виберанкох.

(2) Комисия одредзує виберанково места у сотрудицтвє зоз општинским/городским управами, односно општинским управами городских општиноху города Бєограду (у дальшим тексту: општинску/городску управу).

(3) Виберанково места знука заводу за окончованє заводских санкцийох одредзую ше у складзе зоз приятима податками министерства одвичательного за роботи судства о числу гласачох котри ше на дзєнь виберанкох буду находзиц у притворе або на витримованю заводскей санкциї, котри ше Комисии випоручую найпознейше 25 днї скорей отримованя виберанкох.

(4) Комисия, у сотрудицтвє зоз министерством одвичательним за роботи одбрани и општинским/городским управами, одредзує на котрих уж одредзених гласацких местох буду гласац гласаче котри на дзєнь гласанкох буду одслужєну воєного року, воєней вежби або на школованю у єдинкох або установох Войски Сєрбиї.

##### **Способ одредзованя виберанкових местох**

##### Член 25.

- (1) Виберанкове место ше одредзує за гласанє найменей 100, а найвещей 2.500 гласадох.
- (2) У окремих случаях, мож одредзиц и место за гласанє меней як 100 гласадох, кед би, пре просторну оддаленосц або неповольне географске положенє, гласачом гласанє на другим веберанковим месце було очежане.
- (3) Виберанкове место може облапяц подручє єдней або вецей єдинкох локалней самоуправи, часц населеного места, єдно населєне место або вецей населени места.
- (4) За кажде гласацке место одредзує ше: число виберанкового места, назва виберанкового места, адреса виберанкового места и подручє зоз котрого гласаю гласаче на виберанковим месце.
- (5) За гласацки места ше, по правилу, одредзую просториї у явней своїни, а лєм у винїмково и просториї у приватней своїни.
- (6) Виберанкове место не шме буц у обекту у власніцстве политичней партії або котри хаснує политична партія, як и у обекту у власніцстве кандидата за членох национального совиту, або членох його фамелиї.
- (7) У чаше одредзованя виберанкового места, будзе ше водзиц рахунка же би виберанкове место було пристуачне особом зоз инвалидитетом.

### **Ушорйованє виберанкових местох**

#### **Член 26.**

- (1) Роботне цело длужне у сотрудніцстве зоз општинску/городску управу благочасово обезпечиц же би простор котри одредзени ягод виберанкове место будзе пририхтани и отворени за гласанє.
- (2) Простория за гласанє муши буц ушорена на способ котри оможлївює несметане спроводзєнє гласаня.
- (3) На виберанковим месце на видне место ше кладзе число и назва виберанкового места, народна застава Републики Сербії, збирни виборни лісти кандидатох за членох национальных совитох и вивод зоз ришення о одредзованю виберанкових местох.
- (4) На виберанковим месце и на 50 метери од места забранєне визначованє символох предкладательох виборних лістинох и другого виборного пропагандного материялу.
- (5) Виберанкови одбор обезпечи особом котри надпатраю, односно провадза роботу виберанкового одбору (представительом предкладачом преглашених виборних лістинох и припатрачом) одвитующе место зоз котрого можу провадзиц цек гласаня и утвердзованє резултатох гласаня.

## **VI. ОКРЕМНИ ВИБЕРАНКОВИ СПИСКИ**

### **Упис до препенкох у окремих виберанковим списку**

#### **Член 27.**

(1) Општинска/градска управа котра одвичателна за ошвиживоване часци окремого виберанкового списка одредзеной националней меншини, окончуе упис гласачох котри не уписани до окремого виберанкового списку, як и препенки податкох у окремым виберанковим списку, по його заключене, односно найпознейше 15 днй скорей отримованя виберанкох.

(2) Од заключения окремых виберанкових спискох националних меншинох (у дальшим тексту: Виберанкови список), та по 72 г. скорей отримованя виберанкох, упис гласачох котри не уписани до виберанкового списку и препенки у виберанковим списку окончуе министерство одвичателне за водзене виберанкового списка.

### **Заклучоване виберанкового списка и обйавйоване вкупного числа гласачох**

#### **Член 28.**

(1) Министерство одвичателне за водзене виберанкового списка зоз ришеньом заключуе виберанкови список 15 днй скорей отримованя виберанкох и у ришенью утвездзуе вкупне число гласачох за каждую националну меншину, як и число гласачох по виберанкових местох, и то вкупно за каждое виберанкове место по националних меншинох.

(2) До вкупного числа гласачох не уходзи число гласачох котри уписани до окремых виводох зоз виберанкових спискох за гласане гласачох котри ше на дзень виберанкох буду находзиц на одсуженю военого рока, на военей вежби, або на школованю у єдинкох або установох Войски Сербий, односно гласачох котри ше на дзень виберанкох буду находзиц у притворе або на витримованю заводских санкцийох.

(3) Ришене о заключованю виберанкового списка министерство одвичателне за водзене виберанкового списка обявуе у «Службеним глашнйку Републики Сербий» у чаше од 24 часа од хвильки його приношеня и вйпоручуе го Комисий.

### **Вйпоручоване виводох зоз виберанкового списку**

#### **Член 29.**

Министерство одвичателне за водзене виберанкового списка составя оверени виводи зоз виберанкового списка за каждое виберанкове место и за каждую националну меншину и вйпоручуе их Комисий у чаше од 48 г. Од заключения виберанкового списка.

### **Вйпоручоване ришеня о познейших препенкох у виберанковим списку**

#### **Член 30.**

(1) Министерство одвичателне за водзене виберанкового списка вйпоручуе Комисий шйцки ришеня на котрих ше заснуо препенки у виберанковим списку, котри принешени од заключованя виберанкового списка та по 72 г. Пред отримоване виберанкох.

(2) У случаю же ше зоз ришеньом о препенки податкох у виберанковим списку меня и виберанкове место на котрим гласач гласа, тото ришене муши мац ознаку и виберанкового места зоз котрого ше гласач сцера и ознаку виберанкового места на котре ше гласач уписуе.

### **Унос податкох зоз ришеня о познейших препенкох у виберанковим списку**

#### Член 31.

(1) Комисия, на основе решения министерства одвичательного за водзене виберанкового списка зоз члена 30. Того упутства, уноши пременки до виводох зоз виберанкового списка и окремих виводох зоз виберанкового списка, беруци до огляду лем гевти решения котри прияла найпознейше 48 г. скорей дня отримованя виберанкох.

(2) Упис пременкох до виводу зоз виберанкового списку и окреми вивод зоз окремого виберанкового списка, починаючи од шорного числа 1, на концу вивода зоз виберанкового списка, на окремих боку, под назву: „Познейши пременки”.

#### **Утвердзоване и обявйоване конечного числа гласачох**

#### Член 32.

Комисия, такой после уносу вименкох зоз члена 30. Того упутства, утвердзуе и обявюе у „Службеним глашніку Републики Сербии” конечне число гласачох за каждую националну меншину, як и число гласачох по виберанкових местах, и то вкупно за кажде гласацке место и розподзелени по националних меншинах.

### VII. ОБВИСЦЕНЕ О ДНЮ И ЧАСЕ ОТРИМОВАНЯ ВИБЕРАНКОХ

#### Член 33.

(1) Випоручоване обвисценя гласачом о дню и часу отримованя виберанкох, зоз числом и адресу виберанкового места на котрим гласач гласа и числом под котрим е уписани до виводу зоз виберанкового списку, окончуе општинска/городска управа.

(2) Випоручоване обвисценя зоз ставу 1. Того члена окончуе ше найпознейше пейц дні скорей отримованя виберанкох.

### VIII. ПРИДАВАНЕ ВИБОРНОГО МАТЕРИЯЛУ ВИБЕРАНКОВИМ ОДБОРОМ СКОРЕЙ ГЛАСАНИЯ

#### **Обезпечоване виборного материялу**

#### Член 34.

(1) Выборни материя за спроводзене виберанкох обезпечуе Комисия.

(2) Општински/городски управи за кжди виберанкови одбор благочасово обезпечую:

1) гласацку шкатулу;

2) два сети параванох за обезпечоване таємносци гласаня;

3) два спреї за означоване пальцох гласачом;

- 4) два УВ лампи;
- 5) мех за одкладане виборного материялу;
- 6) прибор за писане;
- 7) прибор за печацене гласацких шкатулох и другог виборного материялу (печац и печатов восок) ;
- 8) коверти за одкладане гласацких лісткох.

(3) Општински/городски управи и управи городских општинох города Београду длужни су благочасово обезпечиц простор за безпечне чуванe виборного материялу и же би ше старали о тим же би простор котри одредзени як виберанкове место будзе ушорени на способ котри предписани зоз законом и отворени за гласане.

#### Член 35.

Комисия за кажди виберанкови одбор обезпечуе шлідуюци виборни материял:

- 1) збирни виборни лістини кандидатох за членох каждого национального совиту котри ше вибера на виберанковим месце;
- 2) рішене о одредзованю виберанкового места (вывод) ;
- 3) рішене о формованю виберанкового одбору;
- 4) виводи зоз виберанкового списку за гласане на виберанковим месце за кажди национални совет котри ше вибера на виберанковим месце, уключуюци и окремини виводи за гласане гласачох у притворе або на витримованю заводскей санкції;
- 5) окремини виводи зоз виберанкового списку за гласане гласачох на одслуженю военого рока, военей вежби або на школованю у єдинкох або установох Войски Сербії;
- 6) потребне число гласацких лісткох, котри одвитуо число гласачох котри уписани у виводу зоз точки 4. И 5. Зоз того члену;
- 7) контролни лісток за превейоване исправносци гласацкей шкатули;
- 8) формулар потвердзєня о виборним праву за гласане звонка гласацкого места;
- 9) формулари записніка о работи виберанкового одбору на спроводзєню гласаня и утврєдованю резултатох гласаня на виберанкох за членох каждого национального совиту котри ше вибера на виберанковим месце (у дальшим тексту: Записнік о работи виберанкового одбору), у шейсцох прикладнікох;
- 10) формулар евиденції о присустве членох и заменікох членох виберанкового одбору на виберанковим месце;

11) списки представнікох предкладательох виборних лістинох за надпатране роботи виберанкових одборох;

12) овласценя припатрачох за провадзене роботи виберанкових одборох;

13) правила о работи виберанкових одборох;

14) народну заставу Републики Сербії

### **Придаванє виборного материялу преїг роботного цела**

#### **Член 36.**

(1) Друковани виборни материял Координатор пребера од Явного подприємства „Службени глашнік” најпознейше 72 г. Скорей дня отримованя виберанкох.

(2) Виборни материял зоз члена 35. Того упутства, Координатор роботному целу придава у шедзиску управного округа, а за город Београд у друкарні Явного подприємства „Службени глашнік”.

(3) Придаванє зоз става 2. Того члена окончує ше најпознейше 72 г. Скорей отримованя виберанкох. О оконченим примопридаваню виборного материялу прави ше записнік на формулару котри предписує Комисия.

(4) Роботне цело прияти материял, ведно зоз материялом котри обезпечела општинска/городска управа, односно управа городской општини Београду (гласацки шкатули, паравани за обезпечованє таємносци гласаня, прибор за писанє, прибор за печачене гласацких шкатулох и другого виборного материялу, спреї, УВ лампи и коверти за одкладанє гласацких лісткох), придава виберанковим одбором, у шедзиску општини/городу, најпознейше 48 г. Скорей дня отримованя виберанкох. О оконченим примопридаваню виборного материялу прави ше записнік на формулару котри предписує Комисия.

### **ІХ. ПРИДАВАНЄ ВИБОРНОГО МАТЕРИЯЛУ КОМИСИЇ ПОСЛЕ ГЛАСАНЯ**

#### **Придаванє виборного материялу преїг роботного цела**

#### **Член 37.**

(1) После як утвердзи резултати гласаня на виберанковим месце, виберанкови одбор без одкладаня придава роботному целу у будинку општини/города, шлідуюци виборни материял:

1) перши прикладніки записніка о работи виберанкового одбора на спроводзеню гласаня утвердзованю резултатох гласаня на виберанкох за членох национального совиту котри виберани на виберанковим месце,

2) виводи зоз виберанкового списка и окремени виводи зоз виберанкового списка по котрим ше гласало на виберанковим месце на виберанкох за членох каждого национального совиту,

3) запечатована коверта у котрей контролни лісток за превейованє исправносци гласацкей шкатули,

4) запечатовани коверти до котрих положени не вихасновани гласацки лістки за гласане на виберанкох за членох кожного національного совиту котри виберани на виберанковим месце окреме,

5) запечатовани коверти до котрих положени неважаци гласацки лістки за гласане на виберанкох за членох кожного національного совиту котри виберани на виберанковим месце окреме,

6) запечатовани коверти до котрих положени важаци гласацки лістки за гласане на виберанкох за членох кожного національного совиту котри виберани на виберанковим месце окреме,

7) запечатовани коверти до котрих положени потписани потвердзєня о виборним праву за гласане звонка виберанкового места за гласане на виберанкох за членох кожного національного совиту окреме.

(2) О примопридаваню зоз става 1. Того члена прави ше записнік на формулару котри предписує Комисия.

(3) Роботне цело записнік о роботі виберанкового одбора, виводи зоз виберанкових списках и потвердзє о виберанковим праву за гласане звонка виберанкового места, пакує окреме од другого виборного материялу.

(4) Потим як превежне виборни материял зоз шицких виберанкових одборах, роботне цело тот материял такой придава Координатору у шедзиску управного округа, о чим ше прави записнік на формулару котри предписує Комисия.

(5) Роботни групи за город Београд виберанкови материял превжати од шицких виберанкових одборах, Координаторови придаваю у будинку Народней скупштини у Београду, Уліца краля Милана 14, о чим ше прави записнік на формулару котри предписує Комисия.

## Х. СТАНДАРДИ ЗА ВИБОРНИ МАТЕРИЯЛ

### Гласацки лістки

#### Член 39

(1) Число гласацких лістко котри ше друкую, муши буц еднаке числу гласачом котри уписани до окремого виберанкового списку за каждую националну меншину чий ше национални совет вибера.

(2) Комисия зоз рішеньом, котре ше обявює у „Службеним глашніку Републики Сербії”, утвєрдзує число гласацких лісткох котри ше друкує, як и число резервних гласацких лісткох.

(3) Число резервних гласацких лісткох за кажды национални совет котри ше вибера не може буц векше як 0.5% од вкупного числа гласачох каждой националней меншини, ані менше од 10.

(4) Комисия предписує текст, форму и випатрунок гласацких лісткох.



## **Хаснованє языка и писма**

### **Член 39.**

(1) Текст формулара за подношенє виборней лістини, текст збирней виборней лістини, текст гласацкого лістка, текст формулара записніка о работи виберанкового одбору и текст потвердзєня о вибора за члена национального совиту националней меншини друкую ше на сербским языке, зоз кирилку.

(2) Кед ше язык и писмо националней мешини чий ше национал ни совет вибера службово хаснує найменей у едней єдинки локалней самоуправи, тексти материялу зоз става 1. Того члена друкую ше двоязично, односно и на языке националней меншини, и то так же ше цали текст на языке и писму националней меншини друкує под текстом на сербским языке и на кирилки, у истей форми и зоз исту велькосцу буквох.

## **Пририхтованє за друкованє гласацких лісткох**

### **Член 40.**

(1) После приношеня одлуки о тексту и випатрунку гласацких лісткох, Комисия прави прикладнік гласацкого лістка котри оверює председатель Комисії зоз своїм потписом и печатом Комисії.

(2) На основи овереного прикладніка гласацкого лістка, друкарня вирабя графични плочи.

(3) Процес друкованя започина зоз кладзеньом графичних плочох до машинох за друкованє, у присустве представительох Комисії.

(4) После пушаня до работи друкарских машинох, перши прикладніки гласацких лісткох ше такой на тим месце знішую, док ше не видрукує гласацки лісток котри задоволує оптимални графични стандарди.

(5) Перши видруковани гласацки лісток котри виполнює оптимални графични стандарди, председатель Комисії поровнує зоз овереним прикладніком гласацкого лістка.

(6) После як утвердзи же видруковани прикладнік гласацкого лістка ше поклапя зоз овереним прикладніком, председатель Комисії зоз своїм потписом дошлебодзує друкованє гласацких лісткох у утвердзеним чишле прикладнікох.

(7) такой по законченю друкованя, комиссия котра ше состої зоз представительох Комисії, предкладательох виборних лістинох и друкарня знішую компютерске пририхтованє за виробок графичних плочох и графични плочи.

(8) О зніщованю компютерского пририхтованя и графичних плочох прави ше записнік, а зніщени графични плочи ше придаваю Комисії.

## **Надпатранє друкованя**

### **Член 41.**

(1) Друковане гласацких лісткох надпатра Комисия.

(2) Комисия длужна оможлівиц явносц друкованя гласацких лісткох.

(3) Представителе предкладательох виборних лістинох маю право присуствовац друкованю, читаню и пакованю гласацких лісткох и випоручованю гласацких лісткох Комисії, роботним целом, односно виберанковим одбором.

(4) Комисия длужна благочасово обвисциц предкладательох виборних лістинох о тим же їх предтавніки маю право присуствовац друкованю, читаню, пакованю и випоручованю гласацких лісткох, як и о тим дзе ше одбуваю и кеди починаю тоти роботи.

### **Гласацка Шкатула**

Член 42.

За гласане на виберанкох ше хаснуе шкатула виробена спрам упутству о форми и димензийох гласацкей шкатули („Службени глашнік РС”, число 42/00).

### **Спрей за означоване пальцох гласачох**

Член 43.

Означоване пальцох гласачох як знак же гласач гласал окончуе ше зоз спрејом од спеціалней нерозпущуюцей УВ тинти, видлівого лем под окречним шветлом УВ лампи.

## **XI. СТАТИСТИЧНИ ОБРОБОК ПОДАТКОХ**

Член 44.

(1) Статистични обробок податкох при спроводзеню вибору окончуе републична организация одвичательна за роботи статистици, на основи записніка о роботи виберанкових одборох, котри му випоручуе Комисия.

(2) Републична организация одвичательна за роботи статистици, одредзуе особу котра, по законченю гласаня, будзе присуствовац примопридаваню виборного материялу медзи виберанковима одборами и роботних целох и окончи логично-рахункарску контролу податкох у записнікох о роботи виберанкових одборох, як и пририхтац податки о дочасових резултатох виберанкох.

## **XII. НАДПАТРАНЄ И ПРОВАДЗЕНЄ РОБОТИ ОРГАНОХ И ЦЕЛОХ ЗА СПРОВОДЗЕНЄ ВИБЕРАНКОХ**

### **Представителе предкладательох преглашених виборних лістинох**

Член 45.

(1) Робота орґанох за спроводзене виберанкох можу надпатрац представителе предкладательох преглашених виборних лістинох

(2) За надпатране роботи Комисії предклататель виборней лістини може овласциц до двох представительох, з тим же схадки Комисії може присуствовац лем еден представитель предклатателя преглашеней виборней лістини.

(3) За надпатране роботи виберанкового одбору на спроводзеню гласаня и утвердзованю результатох гласаня, предклататель преглашеней виборней лістини може овласциц до двох своїх представительох, з тим же на виберанковим месце може буц присутни лем еден представитель предклатателя преглашеней виборней лістини.

(4) Еден представитель предклатателя преглашеней виборней лістини може буц овласцени за надпатране роботи вецей виберанкових одборох, з тим же за надпатране роботи едного виберанкового одбору можу буц одредзени лем два особи.

(5) За надпатране роботи органах за спроводзене виберанкох предклататель виборней лістини може овласциц полнолітну особу гражданина Републики Сербії.

(6) За надпатране роботи органах за спроводзене виберанкох предклататель виборней лістини не може овласциц кандидата за члена национального совиту або члена органах и целох ангажованих на спроводзеню виберанкох.

(7) Представителе предклатательох преглашеней виборней лістини можу надпатрац роботу лем гевтих виберанкових одборох котри спроводза виберанки за членох национального совита на котрих участвує предклататель преглашеней виборней лістини.

(8) О своїх представительох котри овласцени за надпатране роботи Комисії, предклататель преглашеней виборней лістини обвисцує Комисії найпознейше пейц дні скорей отримованя виберанкох.

(9) О своїх представительох овласцених за надпатране роботи виберанкових одборох по єдинки локальной самоуправи и виберанкових местох, предклататель преглашеней виборней лістини обвисцує Комисию найпознейше дзешец дні скорей отримованя виберанкох, на формулару котри предписує Комисия.

(10) Благочасово прияти обвисценя зоз ставу 9. Того члена, Комисия випоручує виберанковим одбором, прейг роботних целох.

(11) Особа котра ше находзи на списку овласцених представительох предклатательох виборней лістини, котри випоручени виберанковому одбору з боку Комисії, и котра на виберанкове место придзе зоз важацу особну карточну, виберанкови одбор длужни ей оможливиц же би несметано надпатрала роботу виберанкового места у шицких фазох його роботи, починаючи од пририхтованьох за його отверане та по утвердзоване результатох виберанкох.

(12) Трошки надпатраня роботи органа за спроводзене виберанкох зноша предклатателе преглашених виборних лістинох чийо представителе надпатраю роботу органа за спроводзене виберанкох.

### **Домашні припатраче**

Член 46.

(1) Заинтересовани регистровани здружения чийо ше цели витворюю у обласци виберанкох и зашити людских и меншинских правох, котри жадаю провадиц роботу органа за спроводзене виберанкох, подноша прияву Комисии найпознейше пейц днй скорей дня отримованя виберанкох, на формулару котри предписуе Комисия.

(2) Зоз прияву ше приклада и вивод зоз Регистру здруженьох и список особох котри ше приявюю за припатрачох работи органа за спроводзене виберанкох (домашнй припатраче), на формулару котри предписуе Комисия.

(3) Здружене може за припатрача приявиц лем полнолїтну особу, гражданина Републики Сербии.

(4) Здружене не може за припатрача приявиц кандидата за члена национального совиту або члена органа и цела ангажованих на спроводзеню виберанкох.

(5) За провадзене работи Комисии Здружене може приявиц найвецей двох припатрачох.

(6) За провадзене работи посединого виберанкового одбору здружене може приявиц найвецей єдного припатрача.

(7) Виполнетосц условийох за провадзене работи органа за спроводзене виберанкох, предшедуюци констатуе на схадзки Комисии, на основи звиту секретара Комисии.

### **Иноземни припатраче**

#### **Член 47.**

(1) Заинтересовани медзинародни и иноземни организаци и здружения котри жадаю провадиц роботу органа за спроводзене виберанкох подноша прияву Комисии найпознейше дзешец днй скорей дня отримованя виберанкох, на формулару котри предписуе Комисия. Зоз прияву ше приклада и список особох котри ше приявюю за припатрачох работи органа за спроводзене виберанкох (иноземни припатраче), як и прекладательох котри буду провадиц приявених припатрачох, на формулару котри предписуе Комисия.

(2) Прияву и список зоз ставу 1. Того члену, Комисия без одкладаня випоручуе министерству котре одвичательне за вонкашнй работи, з нагоди даваня думаня, котре длужне же би думане о прияви Комисии випоручело у чаше од трох днйох од дня приему.

(3) У случаю позитивного думаня министерства одвичательного за вонкашнй работи, предшедуюци, на основи звиту секретара Комисии, на схадзки Комисии констатуе же медзинародней або иноземней организаци, односно здруженю дошлебодзене провадзене работи органа за спроводзене виберанкох.

#### **Член 48.**

(1) Заинтересовани представителе иноземних державох котри жадаю провадиц роботу виберанкових одборох, подноша прияву Комисии, преиґ министерства одвичательного за вонкашнй работи, найпознейше дзешец днй скорей отримованя виберанкох, на формулару котри предписуе Комисия. Зоз прияву ше приклада и список особох котри ше приявюю за припатрачох работи

виберанкових одборох на спроводзеню виберанкох (иноземни припатраче), як и прекладательох котри буду провадзиц приявених припатрачох, на формулару котри предписує комисия.

(2) Министерство одвичательне за вонкашні роботи прешлїдзує прияву и список зоз ставу 1. Того члену зоз думаньом Комисії у чаше од трох дньох од приманя.

(3) У случаю позитивного думаня министерства одвичательного за вонкашні роботи, предшедуючи, на основи звиту секретара Комисії, на схадки Комисії констатує же представительом иноземней держави дошлебодзене провадзене роботи виберанкових одборох на спроводзеню виберанкох.

### **Овласценя и акредитация посматрачох**

#### **Член 49.**

(1) После констатації о виполньованю условийох за провадзене роботи Комисії, Односно виберанкових одборох, Комисия подношительу прияви выдава одвитуюце овласцене за провадзене роботи органа за спроводзене виберанкох, а домашнім и иноземни припатрачом и прекладательом одвитуюци акредитациї до котрих ше уписую необходни податки зоз списку котри приложени зоз прияву.

(2) Трошки провадзения роботи органа за спроводзене виберанкох зноша подношителье прияви чийо припатраче провадза виберанки.

### **Положенє представителя прекладательох виборних лістинох и припатрачох**

#### **Член 50.**

(1) Припатраче, як и прекладателье котри их провадза, длужни акредитациї ношиц на видним месце.

(2) Органи за спроводзене виберанкох длужни представительом прекладательом виборних лістинох, як и припатрачом и прекладательом котри их провадза, оможлївиц несметане надпатранє, односно провадзене каждой виборней роботи. Прекладатель не ма право на виберанковим месце пребубвац сам, без припатрача котри го провадзи.

(3) Комисия и виберанково одбори длужни у записнікох о своєй роботи констатовац присуство представительох прекладательох виборних лістинох и припатрачох.

(4) Представителье прекладательох виборних лістинох и припатраче длужни поступац по правилох о отримованю шора на виберанковим месце.

(5) Виберанкови одбор може зоз виберанкового места оддалїц представителя прекладателя виборней лістини або припатрача кед ше не притримую правилох о отримованю шора на виберанковим месце, кед на виберанковим месце хасную мобилни телефон або други средства комуникації, а окреме кед ше на гоч котри способ мишаю до роботи виберанкового одбору.

(6) Виберанкови одбор длужни же би о оддальованю представителя прекладателя виборней лістини або припатрача и причинох за їх оддальованє такой обвисциц Комисию.

(7) Комисия може припатрачови вжац овласцене и акредитацију кед ше припатрач не справуе у рамикох своїх овласценьох.

### XIII. СРЕДСТВА ЗА СПРОВОДЗЕНЕ ВИБЕРАНКОХ

#### Член 51.

(1) Средства за спроводзене виборней лістини хасную ше за:

- набавку, друковане и прекладане виборного материялу,
- надополненя за роботу членох Комисії,
- надополненя за роботу членох виберанкових одборох,
- надополненя за роботу членох роботних целох,
- надополненя за роботу општинских/городских управох на окончованю работох утврдзених зоз тим упутством,
- надоплненя за роботу занятих у Служби Народней скупштини и других особох ангажованих же би за Комисию окончовали фахово и други роботи у вязи зоз спроводзеньом виберанкох,
- надополненя за службово путованя председателя и членох Комисії, як и занятих у Служби Народней скупштини и других особох ангажованих у вязи зоз спроводзеньом виберанкох, у складзе зоз важацима предписанями,
- обучоване членох роботних целох и виберанкових одборох,
- статистични обробок резултатох гласаня,
- набавку канцеларийного и другого потрошного материялу,
- превознічки, ПТТ, погосцительни и други услуги.

(2) Накладателе за розполагане зоз средствами то председатель Комисії, секретар Комисії и їх заменіки.

### XIV. ЗАКОНЧУЮЦИ ОДРЕДНІЦИ

#### Член 52.

Формулари за спроводзене виберанкових работох Комисия предписуе у чаше од пейц дні од дня приношеня одлуки о розписованю виберанкох.

#### Член 53.

Тото упутство ступа на моц зоз дньом обявйованя у „Службеним глашніку Републики Сербії”.

02 число 013-925/14  
У Београдзе, 26. августа 2014. року  
**Републична виборна комисија**

Заменік председателя,  
**Иван Шобек, с.р.**